

Bismillahir Rahmanir Rahim

Salam dan renungan:

Kepada:

Mereka yang berkenaan.

"Penukaran al-Qur'an dengan mazhab Ahli Sunnah Wal-Jamaah sebagai asas agama Islam oleh para mufti Malaysia adalah "un-Islamic"

Mukadimah

**

Asas agama Islam dan hukum syarak yang ditetapkan oleh Allah dan Rasul-Nya adalah al-Qur'an dan Hadis atau Sunnah Nabi SAW. Sementara asas agama Islam dan hukum syarak yang ditetapkan oleh para mufti dan para penguasa Malaysia pada 5.5. 1996 adalah pegangan (mazhab) Ahli Sunnah Wal-Jamaah dari segi akidah, syariah dan akhlak (e-fatwa). Tidakkah Allah SWT berfirman dalam Surah al-Nisa' (4): 59 *"Kemudian jika kamu berbeda pendapat tentang sesuatu, maka kembalilah kepada Allah (al-Qur'an) dan Rasul (sunnahnya), jika kamu beriman kepada Allah dan hari Akhirat. Yang demikian itu, lebih utama (bagimu) dan lebih baik akibatnya"*

Justeru, Allah SWT **telah memerintahkan** kita supaya merujuk kepada al-Qur'an dan Sunnah Nabi-Nya dalam menyelesaikan sebarang masalah yang kita hadapi. Susungguhnya **Allah SWT tidak memerintahkan** kita supaya merujuk kepada mazhab Ahli Sunnah Wal-Jamaah sebagai asas agama Islam dan hukum syarak.

Persoalannya: Kenapakah al-Qur'an dan Hadis telah dikeluarkan oleh para mufti dan para penguasa Malaysia dari asas agama Islam dan hukum syarak pada 5.5.1996? Kemungkinan pertama: Bagi mengharamkan Syiah di Malaysia sebagai penjenayah syariah dan menzalimi mereka dengan asas mazhab Ahli Sunnah Wal-Jamaah, bukan al-Qur'an dan Hadis. Kedua: Bagi memberi implikasi bahawa Malaysia bukan sebuah negara Islam dari segi undang-undang kerana al-Qur'an dan Hadis tidak diwartakan sebagai asas agama Islam dan hukum syarak mulai 5.5.1996.

Malah al-Qur'an dan Hadis adalah di bawah bidang kuasa pegangan (mazhab) Ahli Sunnah Wal-Jamaah kerana kedua-duanya **tidak diwartakan** sebagai asas agama Islam dan hukum syarak di Malaysia mulai 5.5.1996 (e-fatwa). Ketiga: Bagi menjelaskan bahawa pegangan (mazhab) Ahli Sunnah Wal-Jamaah itu sendiri, walau pun, ia diwartakan sebagai asas agama Islam di setiap negeri di Malaysia termasuk al-

Qur'an dan Hadis (yang tidak diwartakan sebagai asas agama Islam) adalah di bawah bidang kuasa Perlembagaan Persekutuan sebagai undang-undang utama Negara Perkara 4(1). Justeru, fatwa dan enakmen pengharaman Syiah adalah menyalahi Perlembagaan Persekutuan.

Keempat: Bagi menunjukkan bahawa Malaysia bukanlah sebuah Negara Islam dari segi undang-undang. Jika Malaysia adalah sebuah Negara Islam, bagaimanakah al-Qur'an dan Hadis diletak di bawah kuasa Perlembagaan Persekutuan? Dan jika Malaysia adalah sebuah Negara Islam, bagaimanakah al-Qur'an dan Hadis atau Sunnah Nabi SAW pula di bawah bidang kuasa pegangan (mazhab) Ahli Sunnah Wal-Jamaah? Dan jika Malaysia sebuah Negara Islam, bagaimanakah mereka mewartakan Syiah Islam sebagai penjenayah syariah? Tidakkah mazhab Ahli Sunnah Wal-Jamaah itu datang hampir 300 tahun selepas kewafatan Rasulullah SAW?

Justeru, kenapakah pegangan (mazhab) Ahli Sunnah Wal-Jamaah diwartakan sebagai asas agama Islam dan hukum syarak di Malaysia oleh para mufti dan para penguasa Malaysia pada 5.5.1996? Lantaran itu, apakah kemegahan menjadi penganut pegangan (mazhab) Ahli Sunnah Wal-Jamaah di Malaysia ke atas Syiah yang diwartakan sebagai penjenayah syariah, jika asas agama Islam dan hukum syarak mereka berasaskan mazhab yang ditetapkan oleh para mufti dan para penguasa mereka pada 5.5.1996 bagi menzalimi Syiah?

Sementara asas agama Islam dan hukum syarak bagi Syiah mazhab Ja'fari dan Zaidi Malaysia adalah sebagaimana ditetapkan oleh Allah dan Rasul-Nya berasaskan al-Qur'an dan Hadis atau Sunnah Nabi SAW. Oleh itu, kenapakah Syiah Melayu Islam mazhab Ja'fari dan Zaidi Malaysia dihina, diserbu majlis mereka, disesat, ditahan dan dipenjarakan kerana mereka menjadi penganut Syiah?

Kerajaan Pusat atau Kerajaan-kerajaan negeri tidak boleh memaksa rakyatnya memilih mana-mana kepercayaan, mazhab atau agama. Justeru, rakyatlah yang memilih kepercayaan, mazhab atau agama mereka tanpa paksaan.

**

1. Tidakkah YB Datuk Sri Dr. Mujahid Yusof Rawa sebagai Menteri Agama di Jabatan Perdana Menteri, Malaysia, merasa terpanggil bagi mengkaji dan membetulkan kesilapan definisi agama Islam dan hukum syarak yang berasaskan **pegangan (mazhab) Ahli Sunnah Wal-Jamaah** dari segi akidah, syariah dan akhlak" yang **ditetapkan** oleh para mufti dan para penguasa Malaysia pada 5.5. 1996 kepada definisi agama Islam dan hukum syarak yang betul berasaskan **al-Qur'an dan Hadis** sebagaimana **ditetapkan oleh Allah dan Rasul-Nya**?

2. Tidakkah penukaran al-Qur'an dengan mazhab Ahli Sunnah Wal-Jamaah sebagai asas agama Islam dan hukum syarak oleh para mufti Malaysia pada 5.5. 1996 (e-fatwa) itu memberi implikasi bahawa kedudukan al-Qur'an dan Hadis Nabi SAW adalah lebih rendah dari mazhab Ahli Sunnah Wal-Jamaah dari segi undang-undang?

3. Tidakkah mazhab Ahli Sunnah Wal-Jamaah mengatasi al-Qur'an dan Hadis kerana ia diwartakan sebagai asas agama Islam dan hukum syarak pada 5.5. 1996?

4. Tidakkah mazhab Ahli Sunnah Wal-Jamaah, menurut fatwa dan enakmen kerajaan negeri, mengatasi Perlembagaan Persekutuan sebagai undang-undang utama Negara?
5. Tidakkah pengharaman Syiah sebagai penjenayah syariah diwartakan di setiap kerajaan negeri di Malaysia berdasarkan definisi yang salah?
6. Kenapakah kebanyakan penguasa Malaysia bersifat "flip-flop" dalam isu semakan pengharaman Syiah? Adakah mereka masih tidak mahu mewartakan al-Qur'an dan Hadis sebagai asas agama Islam dan hukum syarak? Atau mereka akan mempertahankan pegangan (mazhab) Ahli Sunnah Wal-Jamaah sebagai asas agama Islam dan hukum syarak kerana Malaysia bukanlah sebuah Negara Islam dari segi undang-undang?
7. Tidakkah YB Datuk Seri Dr Mujahid mengetahui bahawa fatwa atau enakmen yang diwartakan oleh kerajaan-kerajaan negeri tentang pengharaman Syiah di Malaysia adalah bercanggah dengan Perlembagaan Persekutuan, al-Qur'an, Hadis, Fatwa Azhar, Deklarasi Amman dan lain-lain. Dan kenapa ia dilaksanakan jua?
8. Kenapakah YB Datuk Seri Dr Mujahid dan para mufti di Malaysia tidak pernah menyebut fatwa-fatwa tentang Syiah sebagai Muslim oleh para Syeikh al-Azhar?
9. Tidakkah YB Datuk Seri Dr Mujahid dan kebanyakan para mufti di Malaysia telah mendapat ijazah dari Universiti al-Azhar?
10. Tidakkah YB Datuk Seri Dr Mujahid dan para mufti di Malaysia pernah membaca fatwa Syeikh Syaltut tentang Syiah mazhab Ja'fari dan Zaidi sebagai Muslim, tetapi mereka menyembunyikannya daripada pengetahuan umum umat Islam di Malaysia bagi menzalimi Syiah Melayu sebagai penjenayah syariah?

1. Dikemukakan terjemahan teks Fatwa yang telah dikeluarkan oleh yang mulia al-Ustaz al-Akbar Syeikh Mahmud Syaltut Syeikh Universiti Al-Azhar tentang harusnya melakukan amal ibadat menurut mazhab Syiah Imamiyyah.

Bismillahir Rahmanir Rahim

Syeikh Syaltut ditanya: Setengah orang berpendapat bahawa untuk sahnya ibadat dan mu'amalat seorang muslim itu mestilah mengikuti salah satu daripada mazhab yang empat. Sementara mazhab Syi'ah Imamiyyah dan Syi'ah Zaidiyyah tidak termasuk. Adakah anda bersetuju pendapat tersebut secara mutlak? Justeru, anda melarang (orang ramai) mengikuti mazhab Syi'ah Imamiyyah Ithna 'Asyariyyah umpamanya?

Beliau menjawab:

1. Agama Islam tidak mewajibkan ke atas seorang pun dari pengikut-pengikutnya berpegang kepada mazhab tertentu. Malah kami berpendapat bahawa setiap muslim berhak mengikuti mana mana mazhab yang dipindah secara betul dan hukum-hukumnya pula disusun di dalam kitab-kitab tertentu.

Dan bagi individu yang telah mengikuti mana mana mazhab dari mazhab-mazhab tersebut dibolehkan pula berpindah kepada mazhab yang lain. Iaitu mana-mana mazhab yang lain dan ia tidak sedikitpun berdosa berbuat demikian.

2. Sesungguhnya mazhab Ja'fari yang dikenali dengan mazhab Syi'ah Imamiyyah Ithna 'Asyariyyah ialah satu mazhab yang harus beramal ibadat dengannya dari segi syarak sepertilah mazhab-mazhab Ahli Sunnah. Oleh itu sayugialah bagi orang-orang Islam mengetahuinya dan membebaskan diri mereka dari asabiyyah tanpa kebenaran kepada mazhab-mazhab tertentu. Agama Islam atau syariatnya bukanlah mengikuti mazhab tertentu atau berhenti di atas satu mazhab. Kerana semua mujtahid diterima di sisi Allah. Dan harus bagi orang yang tidak pakar di dalam perbincangan (al-Nazar) dan ijtihad mengikuti mereka dan beramal dengan apa yang mereka tetapkan di dalam fiqah mereka. Dan tidak ada perbezaan di dalam hal itu di antara hukum-hukum ibadat dan mu'amalat.

Sayyid al-'Allamah al-Ustaz Muhammad Taqi al-Qummi: Setiausaha umum Jama'ah al-Taqrīb di kalangan mazhab-mazhab Islam:

Salamun 'Alaikum wa rahmatullah.

Adapun kemudian daripada itu adalah mengembirakan sekali bahawa saya mengutuskan kepada yang mulia satu salinan yang ditandatangani dari fatwa yang dikeluarkan tentang harusnya beribadat dengan Syi'ah Imamiyyah Ithna 'Asyariyyah dengan harapan anda menyimpannya di dalam pendaftaran ***Dar al-Taqrīb Baina al-Madhahib*** yang kita telah mengambil bahagian bersama di dalam pembentukannya. Semoga Allah memberi taufik kepada kita bagi mencapai matlamatnya.

Assalamu 'alaikum.

Syeikh Mahmud Syaltut

Syeikh Universiti al-Azhar.

**

11. Tidakkah YB Datuk Seri Dr Mujahid dan para mufti Malaysia pernah membaca fatwa Syeikh Muhammad al-Fahham tentang Syiah mazhab Ja'fari dan Zaidi sebagai Muslim?

2. Terjemahan Teks Fatwa Syeikh Muhammad al-Fahham,

Rektor Universiti al-Azhar.

Bismillahi r-Rahmani r-Rahim

Muhammad al-Fahham,

Rektor Universiti al-Azhar

"Yang mulia Syeikh Hasan Sa'id adalah seorang ulama besar di Tehran telah membuat kunjungan hormat ke rumahku No.5 Jalan Ali bin Abi Talib bersama yang mulia al-'Allamah Sayyid al-Rifa'i. Kunjungan itu

telah meninggalkan kenangan yang indah di dalam jiwaku an mengingatkan kenangan yang manis semasa kunjunganku ke Tehran pada tahun 1970. Di sana aku telah berkenalan dengan kumpulan ulama Syi'ah Imamiyyah yang besar. Aku mengenali keperibadian mereka yang mulia dan telah melayaniku begitu mesra di mana aku tidak pernah menjangka sebelumnya.

Kunjungan mereka ke rumahku pada hari itu sebagai membuktikan kehormatan mereka kepadaku. Semoga Allah memberi ganjaran kepada mereka di atas usaha mereka yang baik bagi merapatkan jurang perbezaan di kalangan mazhab-mazhab Islam yang satu dengan mengumpulkan mereka di atas arena persaudaraan yang telah dianjurkan al-Qur'an sebagaimana firman-Nya:

"Sesungguhnya orang-orang mukmin adalah bersaudara" (Surah al-Hujarat 49: 10). Persaudaraan ini adalah menjadi kewajiban ke atas para ulama yang berbeza aliran mazhab menjaga nilainya dan meninggalkan apa yang boleh mengeruhkan suasana dari segi faktor perpecahan yang dilarang oleh Allah SWT di dalam kitabNya yang mulia: *"Dan taatlah kamu kepada Allah dan RasulNya dan janganlah kamu berbantah-bantahan yang menyebabkan kamu menjadi gentar dan hilang keutamaanmu dan bersabarlah. Sesungguhnya Allah beserta orang-orang yang sabar"* (Surah al-Anfal 8: 46). Semoga Allah mencucuri rahmatNya ke atas Syeikh Syaltut yang telah mengambil berat tentang pengertian yang mulia ini. Lantaran itu dia tetap dengan fatwanya yang terang dan berani sehingga dia berkata maksudnya: Harus beramal dengan mazhab Syi'ah Imamiyyah sebagai mazhab Fiqh Islam yang berasaskan al-Qur'an, Sunnah dan dalil yang kuat. Saya berdoa kepada Allah SWT supaya merestui orang-orang yang berusaha ke arah memprdekatkan hubungan persaudaraan di dalam akidah Islam yang sebenarnya sebagaimana firmanNya: *"Dan katakanlah: Bekerjalah kamu, maka Allah dan RasulNya serta orang-orang mukmin akan melihat pekerjaanmu itu"* (Surah al-Taubah 9: 105) *Wa l-Hamdu li llahi Rabbi l-'Alamin.*

Muhammad al-Fahham,

Syeikh al- Azhar.

21 Dhu l-Qa 'idah, 1397 H

**

12. Tidakkah YB Datuk Seri Dr Mujahid dan para mufti Malaysia pernah membaca fatwa Syeikh Abdul Halim Mahmud tentang Syiah mazhab Ja'fari dan Zaidi sebagai Muslim?

3. Terjemahan Teks Fatwa Syeikh 'Abdu l-Halim Mahmud, Rektor Universiti al-Azhar.

Bismillahi r-Rahmani r-Rahim

Al-Azhar,

Pejabat al-Imam al-Akbar,

Syeikh al-Azhar

Teks fatwa yang telah ditulis oleh al-Ustaz al-Akbar pada bulan Dhu l-Qa'idah tahun 1397 H kepada yang mulia al- 'Allah al-Kabir al-Hajj Aqa Hasan Sa'id seorang daripada ulama Syi'ah Imamiyyah ddi Tehran, Iran 25 hb. Oktober 1997.

Yang mulia Syeikh Hasan Sa'id,

ulama Tehran.

Assalamu 'Alaikum warahmatullah wa Barakatuh.

Sesungguhnya al-Azhar mempunyai kasih sayang yang mendalam terhadap saudara-saudara kami Imamiyyah dan Zaidiyyah. Apatah lagi kami sekarang di peringkat menyeru kepada penyatuan (al-Wahdah) dan persaudaraan. Oleh itu apabila berlaku sesuatu di sana sini, maka kita cuba memperbaikinya dan kita semua berjalan di atas jalan kesejahteraan dan kasih sayang. Dan apa yang telah dinyatakan di dalam buku Mudhakkirah al-Tauhid, akan memperbaiki (keadaan) Insya Allah. Dan kami berharap tindakan yang sama juga dilakukan di pihak anda. Syukur kepada Allah di atas usaha ke arah penyatuan.

Wa s-Salam 'Alaikum wa Rahmatu Llah.

'Abdu l-Halim Mahmud,

Syeikh al-Azhar

**

13. Tidakkah YB Datuk Seri Dr Mujahid dan para mufti Malaysia pernah membaca fatwa Syeikh Salim Busyra tentang Syiah mazhab Ja'fari dan Zaidi sebagai Muslim?

4 . Terjemahan Teks Fatwa Syeikh Salim al-Busyra, Rektor Universiti al-Azhar dari tahun 1335 H/1909 M-1320 H/ 1900 M-1904 M dan tahun 1327 H/1909 M-1916 M

Kepada:

Sayyid 'Abdu l-Husain Syarafuddin al- 'Amili.

Surat bertarikh pada 3 Dhul- Hijjah 1329 H.

"Tidak menjadi halangan bagi seorang Sunnah mengambil hujah dari saudaranya (seorang Syi'ah) apabila hujahnya kukuh. Pendapat anda dalam soal ini adalah benar dan nyata. Sementara pendapat orang yang menentang adalah semata-mata degil dan keras kerana pendapat mereka bahawa tidak sahnya berpegang dengan hujah-hujah Syi'ah adalah bertentangan dengan perbuatan mereka sendiri. Perbuatan mereka pula dalam mengambil hujah-hujah adalah bertentangan dengan perkataan mereka. Oleh itu perkataan dan perbuatan mereka tidak selari dan sejajar. Ia tidak akan mencapai sebarang matlamat. Pendapat mereka bertentangan di antara satu sama lain. Lantaran itu hujah mereka adalah lemah dan hujah anda adalah kukuh.

Di dalam waktu yang singkat ini saya ingin menamakan tulisan ini untuk anda dengan nama "Isnad Syi'ah di dalam Isnad Sunnah". Saya harap pembaikan (islah) akan berlaku di dunia Islam dengan pesatnya, Insya Allah. Kami beriman dengan semua ayat-ayat Allah (Dan ayat-ayat al-Qur'an yang diturunkan kepada Sayyidina Amiru l-Mukminin 'Ali bin Abi Talib dan semua Ahlul-Baitnya (r.d) lebih banyak dari apa yang telah anda kemukakannya kepada saya).

Surat bertarikh 7 Dhu l-Hijjah 1329 H

"Hakim-hakim yang adil tidak akan menghukum dengan sesat terhadap orang-orang yang berpegang dengan tali Ahlu l-Bait dan orang yang mengikuti jalan mereka. Para imam mereka tidak ada kekurangan di dalam sesuatupun daripada para imam yang selayaknya menduduki mencukupi dan diberi ganjaran oleh Allah SWT sepertilah beramal dengan salah satu daripada mazhab yang empat tanpa diragukan lagi"

Syeikh Salim al-Busyra

Syeikh al-Azhar.

Dipetik daripada: Pusat kebudayaan Islam Eropah,

Rome, Itali, Bil 363, cetakan keempat.

25 hb. Oktober, 1977 M.

14. Kenapakah YB Datuk Seri Dr Mujahid dan para mufti Malaysia menyembunyikan kebenaran Syiah mazhab Ja'fari dan Zaidi oleh fatwa para guru besar mereka di Universiti al-Azhar?

15. Kenapakah YB Datuk Seri Dr Mujahid tidak bersuara di Dewan Rakyat bagi meratifikasikan *Deklarasi Amman 2005* bagi mengurangkan beban dan kebencian Sunni terhadap Syiah di Malaysia, sebaliknya *ICERD* yang disuarakannya?

16. Kenapakah YB Datuk Seri Dr Mujahid dan para mufti Malaysia tidak pernah menyebut tentang *Deklarasi Amman* yang memperakui Syiah mazhab Ja'fari dan Zaidi sebagai Muslim?

**

DEKLARASI AMMAN (2005) OIC (PERTUBUHAN NEGARA-NEGARA ISLAM).

TIGA PERKARA DARI MESEJ AMMAN V.1. SOALAN-SOALAN YANG LAZIM

Dengan nama Allah, Yang Maha Pemurah, lagi Maha Mengasihani.

Semoga selawat dan salam kepada Nabi Muhammad dan keluarganya yang suci dan mulia.

(1) Sesiapa yang merupakan pengikut kepada salah satu daripada empat buah sekolah perundangan Islam Sunni (Hanafi, Maliki, Syafi'i dan Hanbali), dua buah sekolah perundangan Islam Syiah (Ja'fari dan

Zaidi), sekolah perundangan Islam Ibadi dan sekolah perundangan Islam Zahiri, adalah seorang Islam. Mengisytiharkan bahawa seorang itu kafir/murtad adalah tidak dibenarkan. Sesungguhnya darah, kehormatan, dan harta tidak boleh dicabuli. Lebih-lebih lagi, menurut fatwa Syeikh Al-Azhar, adalah tidak mungkin dan tidak dibenarkan untuk mengisytiharkan sesiapa yang menganuti fahaman Asy'ari atau atau sesiapa mengamalkan Tasawwuf yang sebenar sebagai kafir. Begitu juga, adalah tidak mungkin dan tidak dibenarkan untuk mengisytiharkan sesiapa yang menganuti fahaman Salafi yang sebenar sebagai kafir. Tidak kurang, ia adalah tidak mungkin dan tidak dibenarkan untuk mengisytiharkan sebagai murtad mana-mana kumpulan Islam yang percaya kepada Tuhan, Maha Suci dan Maha Tinggi, dan Rasul-Nya SAW dan lima rukun Islam, dan tidak menafikan apa-apa rukun yang perlu dari agama.

(2) Maka di sana wujud lebih banyak persamaan antara pelbagai mazhab Islam daripada perbezaan di antara mereka. Para penganut kepada lapan buah sekolah perundangan Islam telah bersetuju dengan prinsip-prinsip asas Islam. Semua percaya kepada Allah Yang Maha Suci dan Maha Tinggi, Satu dan Unik; al-Qur'an yang mulia ialah firman Allah dan bahawa Nabi Muhammad SAW, adalah Nabi dan Rasul kepada semua umat manusia. Semua bersetuju tentang lima rukun Islam: dua kalimah syahadah (shahadatayn); sembahyang (salat) zakat; puasa bulan Ramadan, dan Haji ke rumah Allah (di Mekah). Semua juga bersetuju tentang asas-asas kepercayaan: kepercayaan kepada Allah, malaikat-malaikat -Nya, kitab-kitab-Nya, Rasul-rasul-Nya, dan hari kiamat, Qadha' dan Qadar-Nya; baik dan jahat. Perbezaan pendapat antara ulama daripada lapan sekolah perundangan Islam hanya berkenaan dengan cabang agama (*furu'*) dan tidak berkenaan dengan prinsip-prinsip dan asas-asas (*usul*) [agama Islam]. Perbezaan pendapat dari sudut cabang agama (*furu'*) adalah rahmat. Ada pendapat orang terdahulu yang mengatakan bahawa perbezaan dalam pendapat di kalangan ulama adalah "adil lagi baik".

(3) Akuan sekolah-sekolah perundangan Islam dalam Islam bererti mengikut satu metodologi asas dalam pengeluaran fatwa: Tiada siapa boleh mengeluarkan fatwa tanpa kelayakan peribadi yang diperlukan setiap sekolah perundangan Islam menentukan [untuk penganut sendiri]. Tiada siapa boleh mengeluarkan fatwa tanpa mematuhi metodologi mazhab Islam. Tiada siapa boleh menuntut untuk melakukan ijtihad tanpa had atau membuat sekolah perundangan Islam yang baru atau untuk mengeluarkan fatwa yang tidak boleh diterima yang mengeluarkan orang Islam daripada prinsip-prinsip dan kepastian Syariah dan apa yang telah ditubuhkan berkenaan dengan sekolah-sekolah Fekah. Tiga titik Amman Mesej V.2. Deklarasi Amman ditandatangani oleh 552 peserta yang terdiri daripada ketua-ketua kerajaan, pembesar-pembesar, mufti-mufti, menteri-menteri agama, para akademik dan lain-lain dari Dunia Islam termasuk 8 orang dari Malaysia di Amman, Jordan pada 2005.

MALAYSIA:

1. H.E DATO 'Seri Abdullah bin Haji Ahmad Badawi, Perdana Menteri
2. Dr Anwar Ibrahim, Bekas Timbalan Perdana Menteri
3. Dato 'Dr Abdul Hamid Othman, Menteri di pejabat Menteri Perdana yang
4. Prof Dr Kamal Hasan, Presiden Universiti Islam Antarabangsa, Kuala Lumpur.

5. Prof Dr Mohammad Hasyim Kamali, Dekan Institut Antarabangsa Pemikiran dan Tamadun Islam
6. En Shahidan Kasem, Menteri Pertama negeri Perlis, Malaysia
7. Mr Khayri Jamal Al -Din, Timbalan Pengerusi Bahagian Belia, Pertubuhan Kebangsaan Melayu Bersatu.
8. Dr Salih Qadir Karim Al- Zanki, Universiti Islam Antarabangsa.

**

17. Kenapakah YB Datuk Seri Dr Mujahid sebagai Menteri Agama di Jabatan Perdana Menteri tidak pernah membentangkan kepada para mufti dan Dewan Rakyat tentang Hak Asasi Manusia Dalam Islam, justeru Syiah akan mendapat faedah secara khusus daripadanya, bukannya *ICERD*?

**

DEKLARASI CAIRO 1990 TENTANG HAK ASASI MANUSIA (OIC).

Deklarasi Cairo mengandungi 25 perkara sebagai panduan bagi menjaga hak asasi manusia menurut Islam. Ia telah ditandatangani oleh semua kerajaan di dalam OIC di Cairo termasuk kerajaan Malaysia daripada 31 Julai hingga 5 Ogos 1990. Antaranya ia menyatakan bahawa tamadun manusia perlu kepada keimanan. Mempercayai hak-hak asasi manusia sebagai perkara yang tidak dapat dipisahkan daripada agama Islam itu sendiri. Manusia berasal daripada satu keluarga iaitu Adam disatukan dengan penyerahan diri kepada Allah. Justeru manusia adalah sama dari sudut kehormatan, tanggungjawab, tanpa diskriminasi dari sudut bangsa, warna kulit, bahasa, jantina, kepercayaan agama, perbezaan politik dan kedudukan di dalam masyarakat.

Oleh itu menjaga hak asasi manusia adalah satu jaminan untuk kehormatan diri manusia dari ditindas dan dicabuli haknya. Perkara 10 melarang dilakukan mana-mana bentuk paksaan ke atas mana-mana individu bertujuan mengeksploitasikan kemiskinannya atau kejahilannya bagi menukarnya kepada agama lain atau kepada agama yang tidak percaya kepada Tuhan. Perkara 18 menyatakan bahawa setiap individu berhak untuk hidup di dalam keselamatan bagi dirinya, agamanya, tanggungannya, kehormatan dan miliknya. Perkara 20 melarang tanpa sebab yang munasabah untuk menahan individu atau menghadkan kebebasannya; mengusirnya atau menghukumnya. Melarang untuk mencederakannya secara fizikal atau secara psikologi atau mana-mana bentuk kezaliman atau menjatuhkan maruahnyanya” Walau bagaimana pun Kerajaan Malaysia menerusi Majlis Fatwa Kebangsaan telah mengharamkan Syiah Imamiyyah Ja’fariyyah dan Syiah Zaidiyyah pada 5 Mei, 1996 iaitu setelah Deklarasi Cairo tentang Hak Asasi Manusia di dalam Islam diadakan pada 1990. Ini bererti Muzakarah Jawatankuasa Fatwa Kebangsaan /Majlis Fatwa Kebangsaan dilihat sebagai menolak (i) Hak Asasi Manusia di dalam Islam (ii) Hak Asasi Manusia di dalam Piagam Bangsa-bangsa Bersatu. (iii) Hak Asasi Manusia di dalam Perlembagaan Persekutuan. Soalnya: Kenapakah Muzakarah Jawatankuasa Fatwa Kebangsaan/ Majlis Fatwa Kebangsaan telah mengatasi al-Qur’an, Hadis dan Perlembagaan Persekutuan itu sendiri?

RESOLUSI NO. 48/19-P

DEKLARASI CAIRO MENGENAI HAK ASASI MANUSIA DALAM ISLAM

(CAIRO DECLARATION ON HUMAN RIGHTS IN ISLAM)

Diadakan di Kaherah pada 31 Julai- 5 Ogos 1990 NEGARA ANGGOTA PERTUBUHAN KERJASAMA ISLAM (OIC),

MENEGASKAN kembali peranan tamadun dan sejarah umat Islam yang Tuhan jadikan sebagai ummah terbaik yang telah memberikan umat manusia sebuah peradaban sejagat dan seimbang di mana harmoni diwujudkan antara kehidupan ini dan akhirat dan ilmu yang digabungkan dengan iman; dan peranan umat ini yang harus dilakukan untuk membimbing kemanusiaan yang dibangunkan oleh pelbagai tren dan ideologi bersaing serta menyediakan penyelesaian terhadap masalah-masalah kronik tamadun materialistik ini.

BERHARAP untuk menyumbang kepada usaha umat manusia untuk mengesahkan hak asasi manusia, untuk melindungi manusia daripada eksploitasi dan penganiayaan, dan untuk menegaskan kebebasan dan hak hidup bermaruahnya berdasarkan Syariah Islam.

YAKIN bahawa manusia yang telah mencapai peringkat lanjutan dalam sains materialistik masih, dan akan tetap, sangat memerlukan iman untuk menyokong tamadunnya dan kekuatan motivasi diri untuk menjaga hak-haknya;

PERCAYA bahawa Hak-hak asasi dan kebebasan sejagat dalam Islam ialah elemen melengkapinya agama Islam dan bahawa tiada seorang pun secara prinsip berhak menanggukannya secara keseluruhan atau sebahagian atau melanggar atau mengabaikannya sebagai suatu yang terikat dengan perintah suci, yang terkandung dalam Kitab-kitab Wahyu Tuhan dan dihantar melalui Nabi terakhir-Nya untuk menyempurnakan mesej suci terdahulu sehingga menjadikan kepatuhan terhadapnya suatu ibadah dan pengabaianya atau perlanggarannya suatu dosa amat dibenci, dan kerananya setiap orang bertanggungjawab secara individu-dan Ummah bertanggungjawab secara kolektif– untuk menjaganya.

KESINAMBUNGAN DARI PRINSIP-PRINSIP DI ATAS, MENGISYTIHARKAN SEBAGAI BERIKUT:

PERKARA 1:

(a) Semua manusia membentuk satu keluarga yang anggotanya disatukan oleh penyerahan kepada Tuhan dan keturunan dari Adam. Semua orang setaraf dari sudut asas maruah manusia dan asas kewajipan dan tanggungjawab, tanpa sebarang diskriminasi atas dasar ras, warna kulit, bahasa, jantina, agama, sekutu politik, status sosial atau pertimbangan lain. Iman sejati merupakan jaminan untuk meningkatkan maruah itu di sepanjang jalan menuju kesempurnaan manusia.

(b) Semua manusia merupakan hamba Tuhan, dan yang paling dicintai-Nya ialah mereka yang paling berguna untuk semua makhluk-Nya, dan tidak seorang pun memiliki keunggulan atas yang lain kecuali atas dasar kesolehan dan perbuatan baik.

PERKARA 2:

(a) Hidup suatu kurniaan Tuhan dan hak kehidupan dijamin untuk setiap manusia. Menjadi tugas semua individu, masyarakat dan negara untuk melindungi hak ini dari sebarang pelanggaran, dan dilarang mengambil nyawa kecuali atas alasan ditetapkan Syariah.

(b) Dilarang menggunakan cara seumpamanya yang mungkin menyebabkan kehancuran yang membunuh umat manusia.

(c) Pemuliharaan kehidupan manusia selama tempoh kehidupan dikehendaki Tuhan menjadi satu kewajiban yang ditentukan Syariah

(d) Aman dari bahaya fizikal merupakan hak yang dijamin. Menjadi tugas negara melindunginya dan dilarang melanggarnya tanpa alasan yang ditetapkan Syariah.

PERKARA 3:

(a) Dalam hal penggunaan kekuatan dan dalam hal konflik bersenjata, tidak dibenarkan membunuh golongan tidak berperang seperti orang tua, wanita dan kanak-kanak. Yang terluka dan yang sakit sewajarnya berhak mendapatkan rawatan perubatan; dan tawanan perang sewajarnya berhak diberi makanan, perlindungan dan pakaian. Dilarang mencincang mayat. Menjadi tanggungjawab untuk menukar tawanan perang dan menguruskan lawatan atau penyatuan semula keluarga yang dipisahkan oleh keadaan perang.

(b) Dilarang menebang pohon, merosakkan tanaman atau ternakan, dan menghancurkan bangunan awam musuh dan pemasangan bom, letupan atau sebarang cara lain.

PERKARA 4:

Setiap manusia berhak tidak dilangari haknya dan perlindungan nama baik dan kehormatan selama hidupnya dan selepas kematiannya. Negara dan masyarakat wajib melindungi jenazah dan tempat pengkebumiannya.

PERKARA 5:

(a) Keluarga asas masyarakat, dan perkahwinan asas pembentukannya. Lelaki dan wanita mempunyai hak berkahwin, dan tiada sekatan berasaskan bangsa, warna kulit atau kebangsaan sewajarnya menghalang mereka dari menikmati hak ini.

(b) Masyarakat dan negara sewajarnya mengenyepikan segala halangan terhadap perkahwinan dan harus memudahkan prosedur perkahwinan. Mereka sewajarnya memastikan perlindungan dan kesejahteraan keluarga.

PERKARA 6:

(a) Perempuan setaraf dengan lelaki dalam maruah manusia, dan mempunyai hak untuk menikmati sebagaimana tanggungjawab untuk melaksanakan sesuatu; dia mempunyai entiti sivil dan kebebasan kewangan sendiri, dan hak untuk mempertahankan nama dan keturunan.

(b) Suami bertanggungjawab atas sokongan dan kebajikan keluarga.

PERKARA 7:

(a) Pada saat atau kelahiran, setiap anak mempunyai hak-hak sewajarnya daripada ibu bapa, masyarakat dan negara untuk diberikan rawatan, pendidikan dan material, kebersihan dan penjagaan moral yang mencukupi. Baik janin mahupun ibu mesti dilindungi dan diberi rawatan khusus.

(b) Ibu bapa dan orang dalam kapasiti seumpamanya berhak memilih jenis pendidikan diinginkan untuk anak mereka, asalkan mereka mempertimbangkan kepentingan dan masa depan anak bersesuaian dengan nilai etika dan prinsip Syariah.

(c) Kedua ibu bapa berhak atas hak-hak tertentu dari anak-anak mereka, dan kerabat berhak ke atas hak-hak dari kerabat mereka, bersesuaian dengan asas ajaran Syariah.

PERKARA 8:

Setiap manusia berhak menikmati kapasiti sahnya sama ada dari segi kewajipan atau komitmen, apabila kapasiti ini hilang atau mengalami penurunan nilai, ia sewajarnya diwakili penjaganya.

PERKARA 9:

(a) Mencari ilmu suatu kewajipan dan menyediakan pendidikan suatu kewajipan masyarakat dan negara. Negara perlu memastikan wujudnya cara dan sarana untuk mendapatkan pendidikan dan akan menjamin kepelbagaian pendidikan untuk kepentingan masyarakat sehingga membolehkan seseorang mengenali agama Islam dan fakta alam semesta bagi kepentingan umat manusia.

(b) Setiap manusia berhak menerima pendidikan agama dan pendidikan duniawi dari pelbagai institusi, pendidikan dan bimbingan, termasuk keluarga, sekolah, universiti, media, dan lain-lain, secara bersepadu dan seimbang untuk mengembangkan keperibadiannya, menguatkan keimannya kepada Tuhan disamping menghormati dan mempertahankan hak dan kewajipan.

PERKARA 10:

Islam agama fitrah murni. Maka, dilarang melakukan segala bentuk paksaan terhadap manusia atau mengeksploitasi kemiskinan atau kebodohnya untuk menukarnya kepada agama lain atau tidak beragama.

PERKARA 11:

(a) Manusia dilahirkan bebas, dan tidak ada seorang pun berhak memperhambakan, memalukan, menindas atau mengeksploitasi mereka, serta tiada yang menguasai melainkan hanya Tuhan Yang Maha Tinggi.

(b) Semua jenis kolonialisme yang menjadi salah satu bentuk perhambaan paling kejam sama sekali dilarang. Masyarakat yang menderita daripada penjajahan mempunyai hak penuh kebebasan dan penentuan nasib diri. Ini tugas semua negara dan masyarakat untuk menyokong perjuangan bangsa

terjajah bagi membubar segala bentuk kolonialisme dan penjajahan, dan semua negara dan masyarakat berhak memelihara identiti kemerdekaan mereka serta mengawal kekayaan dan sumber alam mereka.

PERKARA 12:

Setiap orang berhak, dalam rangka Syariah, bergerak bebas dan memilih tempat tinggal sama ada di dalam atau di luar negara serta jika dianiaya, berhak mencari suaka di negara lain. Negara tersebut perlu memastikan perlindungannya sehingga dia di tahap selamat, kecuali suaka didorong tindakan yang Syariah menganggapnya sebagai jenayah.

PERKARA 13:

Bekerja ialah hak dijamin negara dan masyarakat agar setiap orang mampu bekerja. Setiap orang bebas memilih pekerjaan paling sesuai baginya dan yang memuaskan kepentingannya dan ahli masyarakat. Pekerja berhak memperolehi keamanan dan keselamatan serta semua jaminan sosial lain. Dia tidak boleh disuruh bekerja di luar kemampuannya atau dipaksa, dieksploitasi atau dianiaya dengan cara apapun. Ia berhak diraikan tanpa diskriminasi antara lelaki dan perempuan - mendapat upah adil bagi kerjanya tanpa ada penangguhan, serta faedah bercuti dan promosi selayaknya. Untuk bahagiannya, ia sewajarnya diminta berdedikasi dan teliti dalam setiap kerjanya. Jika pekerja dan pengusaha tidak bersetuju dalam sebarang perkara, negara perlu campur tangan bagi menyelesaikan pertikaian tersebut dan aduan dilihat semula, hak-hak disahkan, keadilan ditegakkan tanpa memihak.

PERKARA 14:

Setiap orang berhak mendapat keuntungan sah tanpa monopoli, penipuan atau yang merugikan diri sendiri dan orang lain. Riba dilarang sepenuhnya.

PERKARA 15:

(a) Setiap orang berhak memiliki harta yang diperolehi secara sah, dan layak mendapat hak pemilikan tanpa prejudis terhadap diri sendiri, orang lain atau masyarakat keseluruhannya. Pengambilalihan tidak dibenarkan kecuali untuk keperluan kepentingan awam dan apabila dibayar pampasan yang segera dan saksama.

(b) Perampasan dan penyitaan aset dilarang kecuali untuk suatu keperluan yang diperuntukkan undang-undang.

PERKARA 16:

Setiap orang berhak menikmati hasil pengeluarannya sama ada sains, kesusasteraan, kesenian atau teknikal dan hak-hak untuk melindungi kepentingan moral dan material yang berasas darinya, asalkan pengeluaran tersebut tidak bertentangan dengan prinsip Syariah.

PERKARA 17:

(a) Setiap orang berhak hidup dalam persekitaran bersih, jauh dari kelakuan buruk dan moral keji, persekitaran yang mendorong pembangunan dirinya dan menjadi tugas negara dan masyarakat pada umumnya untuk menyediakan hak itu.

(b) Setiap orang berhak menerima rawatan perubatan dan sosial, dan semua kemudahan awam yang diberikan masyarakat dan negara dalam batasan sumber mereka yang sedia ada.

(c) Negara perlu memastikan hak individu untuk kehidupan sepatutnya yang akan membolehkannya memenuhi semua keperluannya dan tanggungannya, termasuk makanan, pakaian, tempat tinggal, pendidikan, rawatan perubatan dan semua keperluan asas lain.

PERKARA 18:

(a) Setiap orang berhak hidup dalam keadaan selamat untuk dirinya sendiri, agamanya, tanggungannya, maruahnyanya dan hartanya.

b) Setiap orang mempunyai hak persendirian dalam urusan peribadinya, di rumahnya, antara ahli keluarganya, berkait dengan harta benda dan perhubungannya. Tidak dibenarkan untuk mengintipnya secara rahsia, menempatkannya di bawah pengawasan atau untuk menodai nama baiknya. Negara harus melindunginya dari gangguan sewenangnyanya.

(c) Kediaman peribadi tidak boleh diganggu dalam semua kes. Tidak dibenarkan masuk tanpa izin penghuninya atau dengan cara melanggar undang-undang, dan tidak juga boleh digeledah atau disita dan penghuninya diusir.

PERKARA 19:

(a) Semua orang setaraf di sisi undang-undang, tanpa perbezaan antara penguasa dan yang dikuasai.

(b) Hak menggunakan bantuan untuk mendapatkan keadilan dijamin untuk semua.

(c) Tanggungjawab pada dasarnya bersifat peribadi.

(d) Tiada jenayah atau hukuman kecuali sebagaimana ditetapkan dalam Syariah.

(e) Orang yang didakwa tidak bersalah sehingga terbukti bersalah dalam mahkamah adil di mana ia sewajarnya diberi semua jaminan pertahanan.

PERKARA 20:

Tidak dibenarkan tanpa alasan sah menangkap individu, atau menyekat kebebasan, membuang negeri atau menghukumnya. Tidak dibenarkan membuatnya tunduk terhadap penyiksaan secara fizikal atau psikologi atau segala bentuk penghinaan, kekejaman atau penghinaan. Juga tidak diizinkan untuk memaksa individu bagi tujuan kajian perubatan atau saintifik tanpa persetujuannya atau yang merisikokan kesihatan atau kehidupannya. Juga tidak dibenarkan untuk mengesahkan undang-undang darurat yang akan memberikan kuasa eksekutif bagi melaksanakan tindakan tersebut.

PERKARA 21:

Mengambil tebusan dalam bentuk apapun atau untuk sebarang tujuan dilarang secara tegas.

PERKARA 22:

(a) Setiap orang berhak mengeluarkan pendapatnya secara bebas dengan cara yang tidak bertentangan dengan prinsip-prinsip Syariah.

(b) Setiap orang berhak menyokong apa yang benar, dan menyebarkan apa yang baik, serta memberi amaran terhadap apa yang salah dan jahat sesuai dengan norma-norma Syariah Islam

(c) Maklumat suatu keperluan penting untuk masyarakat. Ini tidak boleh dieksploitasi atau disalahgunakan sedemikian rupa sehingga dapat melanggar kesucian dan maruah para nabi, melemahkan secara diam nilai moral dan etika atau menghancurkan, merosakkan, membahayakan masyarakat atau melemahkan imannya.

(d) Tidak dibenarkan membangkitkan kebencian nasionalis atau doktrin atau melakukan sesuatu yang mungkin suatu hasutan terhadap sebarang bentuk atau diskriminasi perkauman.

PERKARA 23:

(a) Kekuasaan suatu amanah; dan penyalahgunaan atau eksploitasi salah daripadanya dilarang, agar hak asasi manusia terjamin.

(b) Semua orang berhak terlibat, secara langsung atau tidak langsung dalam pentadbiran negaranya. Dia sewajarnya berhak menguruskan pejabat awam berdasarkan peruntukan-peruntukan Syariah.

PERKARA 24:

Semua hak dan kebebasan ditetapkan dalam Perisytiharan ini tertakluk kepada Syariah Islam.

PERKARA 25:

Syariah Islam ialah satu-satunya sumber rujukan untuk memberi penjelasan atau klasifikasi kepada semua perkara termaktub dalam Deklarasi ini. Kaherah pada 31 Julai-5 Ogos 1990 /9-14 Muharram 1411 H

**

Cadangan semakan fatwa pengharaman Syiah

18. Tidakkah Profesor Chandra Muzaffar mencadangkan supaya semakan ke atas fatwa pengharaman Syiah di Malaysia dilakukan secepat mungkin? Tidakkah beliau berpendapat bahawa fatwa pengharaman Syiah di Malaysia sebagai satu kesilapan? Sementara Tan Sri Dato' Mufti Negeri Perak dan Timbalannya pula berpendapat bahawa fatwa pengharaman Syiah tidak silap. Kami berpendapat fatwa pengharaman Syiah adalah fatwa yang sengaja diciptakan oleh para mufti dan para penguasa Malaysia

bagi menzalimi Syiah berasaskan mazhab Ahli Sunnah Wal-Jamaah dari segi akidah, syariah dan akhlak. Justeru, mereka menolak al-Qur'an dan Hadis sebagai asas agama Islam dan hukum syarak di Malaysia mulai 5.5.1996.

19. Tidakkah Dato' Mufti Negeri Pulau Pinang telah membuka ruang bagi penyemakan fatwa pengharaman Syiah di Malaysia?

20. Sementara Dato' Mufti Negeri Pahang pula telah menolak semakan fatwa pengharaman Syiah di Malaysia kerana ia akan menimbulkan ketegangan, menurut beliau. Justeru, beliau mempertahankan pegangan (mazhab) Ahli Sunnah Wal-Jamaah sebagai asas agama Islam dan hukum syarak menurut fatwa yang **ditetapkan oleh para mufti** dan para penguasa Malaysia. Justeru, mereka menolak al-Qur'an dan Hadis sebagai asas agama Islam dan hukum syarak sebagaimana **ditetapkan oleh Allah dan Rasul-Nya**. Justeru, mereka bukanlah Ahli Sunnah Nabi SAW yang sebenar, malah mereka adalah Ahli Sunnah ciptaan mereka sendiri.

•••

21. Justeru, tugas Syiah Melayu Islam mazhab Ja'fari dan cendekiawan Sunni Melayu Malaysia adalah:

22. Menjelaskan kepada masyarakat tentang kezaliman fatwa pengharaman Syiah yang bercanggah dengan Perkara 3, 4, 5, 6, 7, 8, 9, 10, 11, 12, 13 dan 74 Perlembagaan Persekutuan.

23. Ia bercanggah dengan Fatwa Kerajaan Malaysia sendiri sebelum 5.5. 1996 yang menghalalkan Syiah mazhab Ja'fari dan Zaidi diamalkan di Malaysia (e-fatwa).

24. Ia bercanggah dengan Fatwa Azhar yang memperakui 2 mazhab Syiah dalam Islam; Ja'fari dan Zaidi. Dan ia adalah sah beramal ibadat dengan kedua-duanya. Malah dibenarkan pula berpindah dari mazhab 4 kepada mazhab Ja'fari dan Zaidi atau sebaliknya.

25. Ia bercanggah dengan Deklarsi Amman 2005 yang memperakui mazhab Syiah Ja'fari dan Zaidi sebagai Muslim.

26. Dan ia juga bercanggah dengan Deklarasi Hak Asasi Manusia Dalam Islam, Cairo 1990. (OIC) yang memperakui kepercayaan dan amalan agama individu.

27. Justeru, para mufti dan para penguasa Malaysia dalam pengharaman Syiah, telah mengatasi Perlembagaan sebagai undang-undang utama 4 (1).

28. Mereka telah mengeluarkan Syiah Melayu mazhab Ja'fari dan Zaidi dari Perkara 3 dan 11 Perlembagaan Persekutuan dan Surah al-Baqarah (2): 256 secara khusus.

29. Mereka mengatasi Fatwa mereka sendiri sebelum 5.5.1996 yang mana Kerajaan Malaysia telah menghalalkan Syiah mazhab Ja'fari dan Zaidi dan ajarannya boleh diamalkan di Malaysia (e-fatwa).

30. Mereka telah menciptakan fatwa pengharaman Syiah yang menyalahi Perlembagaan dan al-Qur'an itu sebagai alat bagi mengawal orang Melayu dari menjadi Syiah.

31. Mereka telah mewartakan Syiah di setiap negeri sebagai penjenayah syariah bagi menzalimi orang-orang Melayu Islam mazhab Ja'fari dan Zaidi dari sudut agama.
32. Mereka sanggup menukarkan al-Qur'an dengan mazhab Ahli Sunnah Wal-Jamaah sebagai asas agama Islam dan hukum syarak mulai 5.5. 1996 bagi tujuan pengharaman Syiah.
33. Justeru, Syiah disesat dan diharamkan di Malaysia oleh para mufti dan para penguasa Malaysia mulai 5.5. 1996.
34. Tidakkah para mufti dan para penguasa Malaysia telah membuat kesilapan apabila mereka menukarkan al-Qur'an dan Hadis sebagai asas agama Islam dan hukum syarak dengan mazhab Ahli Sunnah Wal-Jamaah mulai 5.5. 1996?
35. Tidakkah implikasinya bahawa mereka lebih pandai daripada Allah SWT? (sila lihat, SURAT PM, di laman: almawaddah.info).
36. Justeru, mereka mewartakan pegangan atau mazhab Ahli Sunnah Wal Jamaah yang datang hampir 300 tahun setelah kewafatan Nabi SAW sebagai asas agama Islam dan hukum syarak di Malaysia sebagai penukaran kepada al-Qur'an dan Hadis bagi menzalimi Syiah.
37. Lantaran itu, bukan lagi al-Qur'an dan Hadis Nabi SAW dijadikan sebagai asas agama Islam dan hukum syarak di Malaysia mulai pada 5.5. 1996.
38. Oleh itu, siapakah yang menyeleweng dari al-Qur'an dan Hadis?
39. Justeru, adakah mereka Ahli Sunnah Nabi SAW yang sebenar?

40. Setiap rakyat Malaysia mempunyai hak untuk memilih kepercayaannya atau mazhabnya atau agamanya.
41. Justeru, Kerajaan Malaysia atau Kerajaan negeri tidak boleh menetapkan sesuatu kepercayaan, mazhab atau agama ke atas rakyatnya kerana ia menyalahi Perkara 5, 6, 7, 8, 8, 9, 10, 11, 12 dan 13 (Hak Asasi Manusia) Perlembagaan Persekutuan.
42. Ia juga menyalahi al-Qur'an Surah al-Baqarah (2): 256 *"Tidak ada paksaan dalam (menganuti) agama (Islam)"*
43. Tidakkah para mufti dan para penguasa Malaysia yang bertanggungjawab di hadapan Allah SWT apabila mereka mewartakan Syiah sebagai penjenayah syariah di Malaysia berasaskan mazhab Ahli Sunnah Wal-Jamaah bagi menzalimi Syiah?
44. Kenapa para mufti dan para penguasa Malaysia talah mengatasi peranan Allah SWT dalam menentukan seorang Muslim sehingga Syiah diwartakan sebagai penjenayah syariah?

45. Kenapa semata-mata menjadi Syiah, mereka diwartakan sebagai penjenayah syariah kerana kepercayaan mereka? *Why being Syiah a crime?*

46. Kenapakah para mufti dan para penguasa di Malaysia mengatasi peranan Nabi Muhammad SAW dalam menentu seorang Muslim?

47. Kenapakah para mufti dan para penguasa Malaysia berlumba-lumba untuk menentukan nasib seorang Muslim ke neraka? Sedangkan mereka sendiri telah menukarkan al-Qur'an dan Hadis sebagai asas agama Islam dengan mazhab Ahli Sunnah Wal-Jamaah?

48. Pengharaman Syiah Melayu Islam mazhab Ja'fari dan Zaidi Malaysia adalah fatwa yang zalim dan tidak bersifat manusiawi. Justeru, ia bukan *rahmatan li l-'Alamain*.

49. Kenapa mereka lebih mesra dengan para penganut bukan Islam yang menyembah banyak tuhan seperti penganut agama Hindu sebagai contoh?

50. Tidakkah Syiah mazhab Ja'fari dan Zaidi menyembah Satu Tuhan, tetapi mereka dibenci, dihina dan disisihkan dalam masyarakat oleh para mufti dan para penguasa Malaysia?

51. Justeru, apakah jenis Islam yang mereka amalkan di Malaysia?

52. Jawapannya: Islam yang berasaskan mazhab Ahli Sunnah Wal Jamah yang dipengaruhi oleh Wahabi Takfiri, bukan Islam yang berasaskan al-Qur'an dan Hadis. Wahabi mengkafirkan semua orang Islam selain daripada penganut Wahabi.

53. Mereka berkata bahawa mazhab Ahli Sunnah Wal Jamah adalah merupakan "*social contract*" di - Malaysia. Justeru, mereka menolak Syiah.

54. Oleh itu, mereka telah menukarkan al-Qur'an sebagai asas agama Islam dengan mazhab ahli Sunnah Wal -Jamaah dalam fatwa mereka (e-fatwa).

55. Tidakkah "*God 's contract*" itu lebih mulia bagi seorang Muslim yang berpegang kepada al-Qur'an dan Hadis daripada "*social contrct*" yang berpeganag kepada mazhab Ahli Sunnah Wal-Jamaah sebagai asas agama Islam umpamanya?

Kesimpulan

Definisi agama Islam dan hukum syarak

56. Untuk menyemak atau membatalkan fatwa atau enakmen pengharaman Syiah di Malayasia, maka ia berkait rapat dengan definisi agama Islam dan hukum syarak itu sendiri (e-fatwa).

Mazhab Ahli Sunnah Wal-Jamaah sebagai asas agama Islam adalah menyalahi al-Qur'an

57. Definisi agama Islam dan hukum syarak, menurut fatwa, adalah berasaskan pegangan (mazhab) Ahli Sunnah Wal-Jamaah dari segi akidah, syariah dan akhlak" (e-fatwa).

Mazhab Ahli Sunnah Wal-Jamaah diwartakan sebagai asas agama Islam, bukan al-Qur'an dan Hadis

58. Justeru, Syiah menyalahi Ahli Sunnah Wal-Jamaah dari segi akidah, syariah dan akhlak, kerana mazhab Ahli Sunnah diwartakan sebagai asas agama Islam dan hukum syarak mulai 5.5. 1996. Begitu juga Ahli Sunnah menyalahi Syiah kerana asas agama Islam bagi Syiah adalah al-Qur'an dan Hadis.

Al-Qur'an dikeluarkan dari asas agama Islam bagi tujuan pengharaman Syiah

59. Sementara al-Qur'an dan Hadis Nabi SAW dikeluarkan oleh para mufti dan penguasa Malaysia dari definisi agama Islam dan hukum syarak di Malaysia bagi tujuan pengharaman Syiah pada 5.5. 1996.

Al-Qur'an adalah penyelesaian

60. Justeru, untuk menghalalkan Syiah di Malaysia seperti tahun sebelum 5.5. 1996, maka definisi agama Islam dan hukum syarak mestilah dikembalikan kepada al-Qur'an dan Hadis.

Al-Qur'an dan Hadis sebagai asas agama Islam

61. Oleh itu, definisi agama Islam dan hukum syarak yang sebenar adalah berasaskan al-Qur'an dan Hadis Nabi SAW sebagaimana dikehendaki oleh Allah dan Rasul-Nya, bukan sebagaimana diwartakan oleh para mufti dan penguasa Malaysia pada 5.5. 1996.

Akibat pewartaan yang menyalahi al-Qur'an dan Hadis

62. Lantaran itu, pewartaan mazhab Ahli Sunnah Wal-Jamaah sebagai asas agama Islam dan hukum syarak adalah menyalahi al-Qur'an dan Hadis. Dalam ertikata yang lain, Allah SWT tidak meredai asas agama Islam dan hukum syarak selain daripada al-Qur'an dan Hadis.

Al-Qur'an dan Hadis rujukan utama

63. Justeru, untuk mengembalikan definisi agama Islam dan hukum syarak yang sebenar, maka ia mestilah diwarta dan dirujuk kepada al-Qur'an dan Hadis, bukan kepada mazhab Ahli Sunnah Wal-Jamaah.

Jika mereka mahu mengubah

64. Persoalannya: Adakah para mufti dan para penguasa Malaysia mahu mengubah definisi agama Islam dan hukum syarak yang berasaskan mazhab Ahli Sunnah Wal-Jamaah pada 5.5. 1996 itu kepada al-Qur'an dan Hadis sebagai asas agama Islam dan hukum syarak?

Pengubahan kepada al-Qur'an sebagai asas agama Islam adalah wajar

65. Jika mereka mengubah definisi Agama Islam dan hukum syarak berasaskan pegangan (mazhab) Ahli Sunnah Wal-Jamaah kepada al-Qur'an dan Hadis, maka ia sejajar dengan kehendak Allah SWT. Justeru, Syiah bukan lagi ajaran sesat.

Jika mereka tidak mahu mengubah definisi agama Islam

66. Jika mereka tidak mahu mengubah definisi agama Islam dan hukum syarak yang berasaskan pegangan (mazhab) Ahli Sunnah Wal-Jamaah kepada al-Qur'an dan Hadis, maka mereka termasuk di kalangan orang-orang yang zalim terhadap Allah dan Rasul-Nya serta Syiah Melayu Islam mazhab Ja'fari dan Zaidi yang diwartakan sebagai penjenayah syariah.

Jika mereka mengubah definisi agama Islam

67. Jika mereka mengubah definisi agama Islam dan hukum syarak berasaskan al-Qur'an dan Hadis pula, maka Syiah mazhab Ja'fari dan Zaidi bukan lagi daripada ajaran sesat, kerana kayu pengukur sesat dan tidak sesat itu dirujuk kepada al-Qur'an dan Hadis dan bukan kepada mazhab Ahli Sunnah Wal-Jamaah.

Tekanan psikologi

68. Oleh itu, para mufti dan para penguasa Malaysia, dalam pengharaman Syiah, menghadapi tekanan psikologi yang mendalam kerana mereka telah menukarkan al-Qur'an dan Hadis yang telah **ditetapkan oleh Allah SWT** sebagai asas agama Islam dan hukum syarak dengan mazhab Ahli Sunnah Wal-Jamaah sebagai asas agama Islam dan hukum syarak yang **ditetapkan oleh mereka sendiri bagi tujuan mengharamkan Syiah** mulai 5.5. 1996.

Al-Qur'an dan Hadis adalah lebih tinggi dari mazhab Ahli Sunnah Wal-Jamaah

69. Tidakkah al-Qur'an dan Hadis Nabi SAW itu lebih tinggi daripada mazhab Ahli Sunnah Wal-Jamaah?

Merasa berdosa

70. Tidakkah para mufti dan para penguasa Malaysia merasa berdosa kerana mereka telah menukarkan al-Qur'an dan Hadis yang telah ditetapkan oleh Allah SWT sebagai asas agama Islam dan hukum syarak dengan mazhab Ahli Sunnah Wal-Jamaah sebagai asas agama Islam dan hukum syarak yang ditetapkan oleh mereka sendiri mulai 5.5. 1996?

Pengharaman Syiah adalah "*un-Constitutional*" dan "*un-Islamic*"

71. Oleh itu, pengharaman Syiah adalah "*un-Constitutional*" dan "*un-Islamic*". Ia dilakukan di Malaysia pada 5.5.1996 semasa pemerintahan YB Tun Dr Mahathir Mohamed sebagai Perdana Menteri ke 4. Dan sekarang YB Tun Dr Mahathir dipilih kembali sebagai Perdana Menteri ke7. Justeru, beliau adalah orang yang paling berkuasa di Malaysia masa kini, boleh menghalalkan kembali Syiah di Malaysia semasa pemerintahannya, jika beliau kehendaki atau dirinya merasa bersalah atau beliau telah berubah atau beliau ingin melihat keadilan terlaksana "*NOT ONLY JUSTICE BE DONE; IT MUST ALSO BE SEEN TO BE DONE*" (sila lihat, SURAT PM di laman: almawaddah.info).

Oleh:

Masyarakat Syiah Melayu Islam Mazhab Ja'fari Malaysia,

Kuala Lumpur,

26.11.2018

